

慧日佛學班第 03 期

# 《大智度論》卷 15

## 〈釋初品中羸提波羅蜜法忍義第二十五<sup>1</sup>〉

(大正 25, 168b2-172a15)

釋厚觀 (2007.10.27)

一、羸提之意義及法門分別 (承上卷 14)

二、釋「生忍」 (承上卷 14)

三、釋「法忍」 (印順法師,《大智度論筆記》[A035] p.67)

云何名法忍?<sup>2</sup>

〔一〕法忍：忍敬瞋法 (印順法師,《大智度論筆記》[A035] p.67)

忍諸恭敬、供養眾生及諸瞋惱、姪欲之人，是名生忍。

忍其供養、恭敬法及瞋惱、姪欲法，是為法忍。<sup>3</sup>

〔二〕法忍：入不二法門 (印順法師,《大智度論筆記》[A035] p.67)

復次，法忍者，於內六情不著，於外六塵不受，能於此二不作分別。何以故？內相如外，外相如內，二相俱不可得故；一相故，因緣合故，其實空故，一切法相常清淨故，如、真際、法性相故，不二入故，雖無二亦不一。如是觀諸法，心信不轉，是名法忍。

如《毘摩羅結<sup>4</sup>經》<sup>5</sup>中，法住<sup>6</sup>菩薩說：「生、滅為二，不生、不滅是不二入法門。」乃至文殊師利說：「無聞、無見，一切心滅，無說、無語，是不二入法門。」

毘摩羅結默然無言，諸菩薩讚言：「善哉！善哉！是真不二入法門。」

〔三〕忍非心法、忍內心法 (印順法師,《大智度論筆記》[A035] p.67)

復次，一切法有二種<sup>7</sup>：一者、眾生，二者、諸<sup>8</sup>法。菩薩於眾生中忍，如先<sup>9</sup>說。<sup>10</sup>

<sup>1</sup> 〔第二十五〕－【元】【明】，第二十五＝第二十【宮】，第二十五＋（之餘）【石】。(大正 25, 168d, n.9)

<sup>2</sup> 法等、法忍：忍諸煩惱。忍恭敬供養瞋惱姪法。內外法中忍多義。(印順法師,《大智度論筆記》[C012] p.204)

<sup>3</sup> 生忍：忍敬瞋人；法忍：忍敬瞋法。(印順法師,《大智度論筆記》[A035] p.67)

<sup>4</sup> 結＝詰【宋】【元】【明】【宮】。(大正 25, 168d, n.14)

<sup>5</sup> 參見《維摩詰所說經》卷中〈9 入不二法門品〉：

爾時，維摩詰謂眾菩薩言：「諸仁者！云何菩薩入不二法門？各隨所樂說之。」


會中有菩薩名法自在，說言：「諸仁者！生滅為二，法本不生，今則無滅，得此無生法忍，是為入不二法門。」……如是諸菩薩各各說已，問文殊師利：「何等是菩薩入不二法門？」

文殊師利曰：「如我意者，於一切法無言無說、無示無識，離諸問答，是為入不二法門。」於是文殊師利問維摩詰：「我等各自說已，仁者當說何等是菩薩入不二法門？」

時維摩詰默然無言。文殊師利歎曰：「善哉！善哉！乃至無有文字語言，是真入不二法門。」(大正 14, 550b29-551c24)

<sup>6</sup> 住＝作【宋】【元】【明】【宮】【石】。(大正 25, 168d, n.15)

<sup>7</sup> 眾生……………是中忍名生忍。



(印順法師,《大智度論筆記》[A005] p.9)

今說法中忍。法有二種：心法，非心法。<sup>11</sup>

非心法中有內、有外：外有寒熱、風雨等，內有飢渴、老病死等。如是等種種，名為非心法。

心法中有二種：一者、瞋恚、憂愁、疑等，二者、婬欲、憍慢等。是二名為心法。

菩薩於此二法，能忍不動，是名法忍。

**1、忍非心法**（印順法師，《大智度論筆記》〔A035〕p.67）

問曰：於眾生中若瞋惱害命得罪，憐愍得福；寒熱、風雨，無有增損，云何而忍？

答曰：

**(1) 自生惱亂害道故**（印順法師，《大智度論筆記》〔A035〕p.67）

雖無（168c）增損而自生惱亂憂苦，害菩薩道，以是故，應當忍。

**(2) 能生惡意得罪故**（印順法師，《大智度論筆記》〔A035〕p.67）

復次，非但殺惱眾生故得罪，為惡心作因緣故有罪。所以者何？雖殺眾生而無記心，是便無罪；慈念眾生，雖無所與而大得福。<sup>12</sup>以是故，寒熱、風雨，雖無增損，然以能生惡意故得罪。以是故，應當忍。

**(3) 念宿罪因緣得故**（印順法師，《大智度論筆記》〔A035〕p.67）

復次，菩薩自知宿罪因緣，生此苦處，此我自作，我應自受。如是思惟，是故能忍。

**(4) 見不淨，發願是我利故**（印順法師，《大智度論筆記》〔A035〕p.67）

復次，菩薩思惟國土有二種：有淨，有不淨。菩薩若生不淨國中，受此辛苦、飢寒眾惱，自發淨願：我成佛時，國中無此眾苦；此雖不淨，乃是我利。

**(5) 八法賢聖所不免故**（印順法師，《大智度論筆記》〔A035〕p.67）

復次，菩薩思惟：「世間八法<sup>13</sup>，賢聖所不能免，何況於我！」以是故，應當忍。

**(6) 念人身雖苦然勝天，能修福得道**（印順法師，《大智度論筆記》〔A035〕p.67）

復次，菩薩思惟：「知此人身無牢無<sup>14</sup>強<sup>15</sup>，為老、病、死所逐；雖復天身清淨，無老、無病，耽著天樂，譬如醉人，不得修行道福、出家離欲。」以是故，於此人身自忍修福，利益眾生。

<sup>8</sup> 〔諸〕—【宋】【元】【明】【宮】。（大正 25，168d，n.18）

<sup>9</sup> 〔先〕—【宋】【元】【明】【宮】。（大正 25，168d，n.19）

<sup>10</sup> 參見釋厚觀、郭忠生合編，〈《大智度論》之本文相互索引〉，《正觀》（6），p.34：《大智度論》卷 14（大正 25，164b19-168a27）。

<sup>11</sup> 一切法有二，法有二種，非心法有二，心法有二。（印順法師，《大智度論筆記》〔I079〕p.481）

<sup>12</sup> 罪福：殺眾生無記心便無罪，慈念眾生無所與得大福。（印順法師，《大智度論筆記》〔D032〕p.283）

<sup>13</sup> 《增壹阿含經》卷 39：「世尊告諸比丘：有世八法隨生迴轉。云何為八？一者、利，二者、衰，三者、毀，四者、譽，五者、稱，六者、譏，七者、苦，八者、樂。」（大正 2，764b14-16）

<sup>14</sup> 牢：10.堅固，牢固，經久。（《漢語大詞典》（六），p.240）

<sup>15</sup> 強：3.亦作“彊”。壯健，青壯。（《漢語大詞典》（四），p.131）

**(7) 受身必有苦故** (印順法師,《大智度論筆記》[A035] p.67)

復次，菩薩思惟：「我受此四大、五眾身，應有種種苦分，無有受身而不苦者；富貴、貧賤，出家、在家，愚智、明闇，無得免者。何以故？

富貴之人，常有畏怖<sup>16</sup>，守護財物，譬如肥羊，早就屠机<sup>17</sup>；如烏銜肉，眾鳥<sup>18</sup>逐之。貧賤之人，有飢、寒之苦。

出家之人，今世雖苦，後世受福得道。

在家之人，今世雖樂，後世受苦。

愚人先求今世樂，無常對<sup>19</sup>至，後則受苦。

智人<sup>20</sup>思惟無常苦，後則受樂得道<sup>21</sup>。

如是等受身之人，無不有苦。」是故菩薩應當行忍。

**(8) 世間皆苦我何獨樂** (印順法師,《大智度論筆記》[A035] p.67)

復次，菩薩思惟：「一切世間皆苦，我當云何於中而欲求樂？」

**(9) 念為法受苦，當得大利** (印順法師,《大智度論筆記》[A035] p.67)

復次，菩薩思惟：「我於無量劫中常受眾苦 (169a)，無所利益，未曾為法；今日為眾生求佛道，雖受此苦，當得大利。是故外、內諸苦，悉當忍受。」

**(10) 尚忍泥犁苦，此何足計** (印順法師,《大智度論筆記》[A035] p.67)

復次，菩薩大心誓願：「若阿鼻泥犁苦，我當忍之，何況小苦而不能忍？若小<sup>22</sup>不忍，何能忍大？」

**※ 小結**

如是種種外法中忍，名曰法忍。

**2、忍內心法** (印順法師,《大智度論筆記》[A035] p.67)

問曰：云何內心法中能忍？

答曰：

**(1) 念不忍同凡夫；斷已，無可忍** (印順法師,《大智度論筆記》[A035] p.67)

菩薩思惟：「我雖未得道，諸結未斷，若當不忍，與凡人不異，非為菩薩。」

復自思惟：「若我得道，斷諸結使，則無法可忍。」

**(2) 忍諸結使** (印順法師,《大智度論筆記》[A035] p.67)

復次，飢渴、寒熱，是外魔軍；結使、煩惱，是內魔賊。我<sup>23</sup>當破此二軍，以成佛道；若不爾者，佛道不成。

<sup>16</sup> 畏怖=怖畏【宋】【元】【明】【宮】。(大正 25, 168d, n.22)

<sup>17</sup> 机(又ㄟ、ㄨ)：砧板。机上肉：砧板上的肉，比喻任人宰割者。(《漢語大詞典》(四), p.745)

<sup>18</sup> 烏=鳥【宋】【宮】。(大正 25, 168d, n.23)

<sup>19</sup> 對：18.逢，遇。(《漢語大詞典》(二), p.1293)

<sup>20</sup> 人+(先)【宋】【元】【明】【宮】【石】。(大正 25, 168d, n.24)

<sup>21</sup> [得道]-【宋】【元】【明】【宮】。(大正 25, 168d, n.25)

<sup>22</sup> 小+(苦)【宋】【元】【明】【宮】。(大正 25, 169d, n.1)

<sup>23</sup> [我]-【宋】【元】【明】【宮】。(大正 25, 169d, n.2)

如說佛苦行六年，魔王來言：「剝利貴人，汝千分生中正有一分活耳！速起還國，布施修福，可得今世後世、人中天上之樂；道不可得，汝唐<sup>24</sup>勤苦。汝若不受軟言，守迷不起，我當將大軍眾來擊破汝！」

菩薩言：「我今當破汝大力內軍，何況外軍？」

魔言：「何等是我內軍？」

答曰：「欲是汝初軍，憂愁為第二，飢渴第三軍，渴愛為第四，

睡眠第五軍，怖畏為第六，疑悔<sup>25</sup>第七軍，瞋恚為第八，

利養虛稱<sup>26</sup>九，自高蔑人<sup>27</sup>十。如是等軍眾，厭<sup>28</sup>沒出家人；

我以禪智力，破汝此諸軍，得成佛道已，度脫一切人。」<sup>29</sup>

菩薩於此諸軍雖未能破，著忍辱鎧<sup>30</sup>，捉智慧劍，執禪定楯<sup>31</sup>，遮諸煩惱箭，是名內忍。

※ 因論生論：忍結不斷六義（印順法師，《大智度論筆記》〔A035〕p.67；〔C017〕p.215）

復次，菩薩於諸煩惱中，應當修忍，不應斷結。何以故？若斷結者，所失甚多，墮阿羅漢（169b）道中，<sup>32</sup>與根敗<sup>33</sup>無異。是故遮而不斷，以修忍辱，不隨結使。

問曰：云何結使未斷而能不隨<sup>34</sup>？

答曰：

A、正思惟故（印順法師，《大智度論筆記》〔C017〕p.215）

正思惟故，雖有煩惱而能不隨。

<sup>24</sup> 唐：3.引申為徒然，白白地。（《漢語大詞典》（三），p.366）

<sup>25</sup> 悔=為【宋】【宮】。（大正 25，169d，n.3）

<sup>26</sup> 虛稱：2.虛假的名聲，空名。（《漢語大詞典》（八），p.829）

<sup>27</sup> 蔑人=憍慢【宋】【元】【明】【宮】。（大正 25，169d，n.4）

<sup>28</sup> 厭（一丫）：3.指被壓死。（《漢語大詞典》（一），p.940）

<sup>29</sup> 參見《大智度論》卷 5：「《雜法藏經》中，佛說偈語魔王：欲是汝初軍，憂愁軍第二，飢渴軍第三，愛軍為第四，第五眠睡軍，怖畏軍第六，疑為第七軍，含毒軍第八，第九軍利養——著虛妄名聞，第十軍自高。汝軍等如是，一切世間人，及諸一切天，無能破之者。我以智慧箭，修定智慧力，摧破汝魔軍，如坏瓶沒水。」（大正 25，99b22-c4）

<sup>30</sup> 鎧（ㄎㄞˇ）：古代作戰時護身的服裝，金屬製成。皮甲亦可稱鎧。（《漢語大詞典》（十一），p.1370）

<sup>31</sup> 楯=盾【宋】【元】【明】【宮】。（大正 25，169d，n.5）

楯（ㄉㄨㄣˇ）：1.盾牌，2.泛指防衛之物。（《漢語大詞典》（四），p.1185）

<sup>32</sup> 菩薩：斷結墮羅漢道。（印順法師，《大智度論筆記》〔D030〕p.280）

<sup>33</sup> 根敗，參見《維摩詰所說經》卷中：

爾時大迦葉歎言：「善哉！善哉！文殊師利！快說此語。誠如所言：塵勞之疇為如來種。我等今者，不復堪任發阿耨多羅三藐三菩提心。乃至五無間罪，猶能發意生於佛法；而今我等永不能發。譬如根敗之士，其於五欲不能復利；如是聲聞諸結斷者，於佛法中無所復益，永不志願。是故，文殊師利！凡夫於佛法有返復，而聲聞無也。所以者何？凡夫聞佛法，能起無上道心、不斷三寶；正使聲聞終身聞佛法、力、無畏等，永不能發無上道意。」（大正 14，549b16-26）

<sup>34</sup> 隨：1.跟從，追從。3.追逐，追求。6.聽任，任憑。7.聽使喚。（《漢語大詞典》（十一），p.1102）

**B、觀空、無常相故**（印順法師，《大智度論筆記》〔C017〕p.215）

復次，**思惟觀空、無常相故**，雖有妙好五欲，不生諸結。譬如國王有一大臣，自覆藏罪，人所不知。王言：「取無脂肥羊來，汝若不得者，當與汝罪。」大臣有智，繫一大羊，以草穀好養；日三以狼而畏怖之，羊雖得養，肥而無脂。牽羊與王，王遣人殺之，肥而無脂。王問：「云何得爾？」答以上事。菩薩亦如是，見無常、苦、空狼，令諸結使脂消，諸功德肉肥。

**C、功德無量心柔軟故**（印順法師，《大智度論筆記》〔C017〕p.215）

復次，**菩薩功德福報無量故，其心柔軟，諸結使薄，易修忍辱**。譬如師子王，在林中吼，有人見之，叩頭求哀<sup>35</sup>，則放令去；虎豹小物，不能爾也。何以故？師子王貴獸，有智分別故；虎豹賤蟲，不知分別故。又如壞軍，得值大將則活，值<sup>36</sup>遇小兵則死。

**D、智慧力故**（印順法師，《大智度論筆記》〔C017〕p.215）

復次，菩薩**智慧力，觀瞋患有種種諸惡，觀忍辱有種種功德**，是故能忍結使。

**E、為眾生故**（印順法師，《大智度論筆記》〔C017〕p.215）

復次，菩薩心有智力，能斷結使，**為眾生故久住世間**；知結使是賊，是故忍而不隨。菩薩繫此結賊，不令縱逸而行功德；**譬如有賊，以因緣故不殺，堅閉一處而自修事業**。

**F、實知諸法相故，不隨煩惱**（印順法師，《大智度論筆記》〔C017〕p.215）

復次，菩薩**實知諸法相故，不以諸結使為惡<sup>37</sup>，不以功德為妙**；是故於結不瞋，功德不愛。以此智力故，能修忍辱。如偈說：

「菩薩斷除諸不善，乃至極微滅無餘；  
大功德福無有量，所造事業無不辦。  
菩薩大智慧力故，於諸結使不能惱（169c）；  
是故能知諸法相，生死涅槃一無二。」

**※小結**

如是種種因緣，雖未得道，於諸煩惱法中能忍，是名法忍。

**（四）破異不著一**（印順法師，《大智度論筆記》〔A035〕p.67）

復次，菩薩於一切法，知一相無二。

**1、一切法可識相故言一**

一切法**可識相<sup>38</sup>**，故言一。眼識識色，乃至意識識法，是可識相法，故言一。

**2、一切法可知相故言一**

復次，一切法**可知相**，故言一。苦法智、苦比智，知苦諦；集法智、集比智，知集諦；滅法智、滅比智，知滅諦；道法智、道比智，知道諦。及善世智，亦知苦、集、滅、

<sup>35</sup> 哀＝請【宋】【元】【明】【宮】【石】。（大正 25，169d，n.6）

<sup>36</sup> 〔值〕－【宋】【元】【明】【宮】【石】。（大正 25，169d，n.7）

<sup>37</sup> 斷結：不以結使為惡，故結使不能惱（伏）。（印順法師，《大智度論筆記》〔C018〕p.216）

<sup>38</sup> 相＋（法）【宋】【元】【明】【宮】【石】。（大正 25，169d，n.8）

道、虛空、非智緣滅，是可知相法，故言一。

### 3、一切法可緣相故言一

復次，一切法可緣相，故言一。眼識及眼識相應法緣色；耳識、鼻識、舌識、身識亦如是；意識及意識相應法，亦緣眼、亦緣色、亦緣眼識，乃至緣意、緣法、緣意識。一切法可緣相，故言一。

### 4、一切法各皆一

復次，有人言<sup>39</sup>：一切法各皆一，一復有一名為二，三一名為三，如是乃至千萬，皆是一而假名為千萬。

### 5、一切法中有相故言一，一相故名為一

復次，一切法中有相，故言一；一相故，名為一。一切物名為法，法相故名為一。如是等無量一門，破異相，不著一，是名法忍。

**(五) 破一不著二，破一不著異**（印順法師，《大智度論筆記》〔A035〕p.67）

#### 1、破一不著二

復次，菩薩觀一切<sup>40</sup>為二。

何等二？二名內、外相。內、外相故，內非外相，外非內相。

復次，一切法有、無相故為二。空、不空，常、非常，我、非我，色、非色，可見、不可見，有對、非有對，有漏、無漏，有為、無為，心法、非心法，心數法、非心數法，心相應法、非心相應法。

如是無量二門，破一不著二，是名為法忍。

#### 2、破一不著異

復次，菩薩或<sup>41</sup>觀一切法為三。

何等為三？下、中、上，善、不善、無記，有、無、非有非無，見諦斷、思惟斷、無斷，學、無學、非學非無學，報、有報、非報非有報。<sup>42</sup>

如是無量三門，破一（170a）不著異，是名為法忍。

**(六) 能信受三法印**（印順法師，《大智度論筆記》〔A035〕p.67）

復次，菩薩雖未得無漏道，結使未斷，能信無漏聖法及三種法印：一者、一切有為生法無常等印，二者、一切法無我印，三者、涅槃實法印。

得道賢聖人，自得自知；菩薩雖未得道，能信能受，是名法忍。

<sup>39</sup> 〔有人言〕—【宋】【元】【明】【宮】【石】。（大正 25，169d，n.9）

<sup>40</sup> 切+（法）【宋】【元】【明】【宮】【石】。（大正 25，169d，n.11）

<sup>41</sup> 〔或〕—【宋】【元】【明】【宮】。（大正 25，169d，n.13）

<sup>42</sup> 三法攝：下中上；三性（善法不善法無記法），有無非有非無，三斷（見諦斷、思惟斷、無斷），三學（學、無學、非學非無學），報有報非報非有報。（印順法師，《大智度論筆記》〔A004〕p.7）  
《眾事分阿毘曇論》卷 4：「云何報法？謂若報得十一入少分，除聲入。云何非報法？謂聲入、若非報得十一入少分。云何有報法？謂不善、善有漏法。云何非有報法？謂無記、無漏法。」  
（大正 26，649a3-7）

**（七）觀十四難無礙不失中道**（印順法師，《大智度論筆記》〔A035〕p.67；〔C005〕p.189）

復次，於十四難<sup>43</sup>不答法中有常、無常等，觀察無礙，不失中道<sup>44</sup>，是法能忍，是為法忍。

如一比丘<sup>45</sup>於此十四難思惟觀察，不能通達，心不能忍；持衣鉢至佛所，白佛言：「佛能為我解此十四難，使我意了者，當作弟子；若不能解，我當更求餘道！」

佛告：「癡人！汝本共我要誓『若答十四難，汝作我弟子』耶？」

比丘言：「不也！」

佛言：「汝癡人今何以言『若不答我，不作弟子』？我為老、病、死人說法濟度；此十四難是鬪諍法，於法無益，但是戲論，何用問為？若為汝答，汝心不了，至死不解，不能得脫生、老、病、死。譬如有人身被毒箭，親屬呼醫，欲為出箭塗藥，便言：『未可出箭，我先當知汝姓字、親里，父、母年歲；次欲知箭出在何山，何木、何羽，作箭鏃者為是何人，是何等鐵；復欲知弓何山木，何蟲角；復欲知藥是何處生，是何種名。如是等事，盡了了知之，然後聽汝出箭塗藥。』」

佛問比丘：「此人可得知此眾事，然後出箭不？」

比丘言：「不可得知！若待盡知，此則已死。」

佛言：「汝亦如是！為邪見箭愛毒塗，已入汝心，欲拔此箭，作我弟子。而不欲出箭，方<sup>46</sup>欲求盡世間常、無常，邊、無邊等，求之未得，則失慧命，與畜生同死，自投黑闇！」

比丘慚愧，深識佛（170b）語，即得阿羅漢道。

復次，菩薩欲作一切智人，應推求一切法，知其實相；於十四難中不滯、不礙，知其是心重病，能出、能忍，是名法忍。

**（八）無量法門能信受**（印順法師，《大智度論筆記》〔A035〕p.67）

復次，佛法甚深，清淨微妙，演暢<sup>47</sup>種種無量法門，能一心信受，不疑、不悔，是名法忍。

**（九）甚深微妙法門能受不悔**（印順法師，《大智度論筆記》〔A035〕p.67）

如佛所言：「諸法雖空，亦不斷，亦不滅；諸法因緣相續生，亦非常；諸法雖無神<sup>48</sup>，亦不失罪福。」<sup>49</sup>一心<sup>50</sup>念頃，身諸法、諸根、諸慧，轉滅不停，不至後念；新新<sup>51</sup>生滅，亦不失無量世中因緣業。<sup>52</sup>諸眾、界、人中皆空無神，而眾生輪轉五道中受生死。

<sup>43</sup> 《大智度論》卷 2：「何等十四難？<sup>(1)</sup> 世界及我常，<sup>(2)</sup> 世界及我無常，<sup>(3)</sup> 世界及我亦有常亦無常，<sup>(4)</sup> 世界及我亦非有常亦非無常；<sup>(5)</sup> 世界及我有邊，<sup>(6)</sup> 無邊，<sup>(7)</sup> 亦有邊亦無邊，<sup>(8)</sup> 亦非有邊亦非無邊；<sup>(9)</sup> 死後有神去後世，<sup>(10)</sup> 無神去後世，<sup>(11)</sup> 亦有神去亦無神去，<sup>(12)</sup> 死後亦非有神去亦非無神去後世；<sup>(13)</sup> 是身是神，<sup>(14)</sup> 身異神異。」（大正 25，74c9-16）

<sup>44</sup> 中邊：常無常等（十四難）觀察無礙，不失中道。（印順法師，《大智度論筆記》〔D015〕p.258）

<sup>45</sup> 參見《中阿含經》卷 60（221 經）《箭喻經》（大正 1，804a-805c），《佛說箭喻經》（大正 1，917b-918b）。

<sup>46</sup> 方：42.副詞。卻，反而。表示語氣轉折。（《漢語大詞典》（六），p.1549）

<sup>47</sup> 演暢：闡明，闡發。（《漢語大詞典》（六），p.107）

<sup>48</sup> 《中阿含經》卷 54《阿梨吒經》：「世尊歎曰：善哉！善哉！所謂因神故有我，無神則無我，

如是等種種甚深微妙法，雖未得佛道，能<sup>53</sup>信能受不疑、不悔，是為法忍。

**〔十〕求佛度生，了知諸法實相能忍**（印順法師，《大智度論筆記》〔A035〕p.67）

復次，阿羅漢、辟支佛畏惡生死，早求入涅槃；菩薩未得成佛，而欲求一切智，欲<sup>54</sup>憐愍眾生，欲了了分別知諸法實相，是中能忍，是名法忍。

問曰：云何觀諸法<sup>55</sup>實相？

答曰：觀知諸法無有瑕隙<sup>56</sup>，不可破、不可壞，是為實相。<sup>57</sup>

問曰：一切語，皆可答、可破<sup>58</sup>、可壞，云何言「不可破壞，是為實相」？

答曰：以諸法不可破故，佛法中一切言語道過，心行處滅，常不生不滅，如涅槃相。

<sup>59</sup>何以故？若諸法相實有<sup>60</sup>，不應無；若諸法先有今無，則<sup>61</sup>是斷滅。

**〔十一〕觀十四難等不實，信佛法清淨不悔**（印順法師，《大智度論筆記》〔A035〕p.68）

**1、常、無常、亦常亦無常、非常非無常皆不可得**

**〔1〕常不可得**

復次，諸法不應是常。何以故？若常則無罪、無福，無所傷殺，亦無施命，亦無修行利益，亦無縛、無解，世間則是涅槃。如是等因緣故，諸法不應常。

**〔2〕無常不可得**

若諸法無常，則是斷滅，亦無罪、無福，亦無增損功德<sup>62</sup>業，因緣果報亦失。如是等因緣故，諸法不應無常。

---

是為神；神所有，不可得，不可施設。」（大正 1，765b27-29）

<sup>49</sup> 佛說之出處待考，相關內容參見《中論》卷 3〈17 觀業品〉（青目釋）：「問曰：若爾者，則無業果報。答曰：雖空亦不斷，雖有亦不常，業果報不失，是名佛所說。此論所說義，離於斷常。何以故？業畢竟空，寂滅相，自性離，有何法可斷？何法可失？顛倒因緣故往來生死，亦不常。何以故？若法從顛倒起，則是虛妄無實，無實故非常。」（大正 30，22c19-26）

<sup>50</sup> 一心=心一【宋】【元】【明】【宮】【石】。（大正 25，170d，n.5）

<sup>51</sup> 新新=漸漸【宮】。（大正 25，170d，n.7）

<sup>52</sup> 甚深法：雖空不斷，緣生相續非常。無我而不失罪福輪轉生死。身心根慧，無常不失過去行業。（印順法師，《大智度論筆記》〔C002〕p.183）

<sup>53</sup> 〔能〕—【宋】【元】【明】【宮】。（大正 25，170d，n.8）

<sup>54</sup> 〔欲〕—【宋】【元】【明】【宮】。（大正 25，170d，n.9）

<sup>55</sup> 法+（得）【宋】【元】【明】【宮】【石】。（大正 25，170d，n.10）

<sup>56</sup> （1）隙：同“隙”。《龍龕手鑑·阜部》“隙”，“隙”的俗字。（《漢語大字典》（六），p.4156）

（2）瑕隙：指可乘的間隙，嫌隙。《左傳·桓公八年》“讎有釁，不可失也”晉杜預注：“釁，瑕隙也。”（《漢語大詞典》（四），p.611）

<sup>57</sup> 諸法無有瑕隙，不可破壞。（印順法師，《大智度論筆記》〔C003〕p.185）

<sup>58</sup> 可破：一切語言可破。（印順法師，《大智度論筆記》〔C016〕p.213）

<sup>59</sup> （1）不可破壞：語言道斷，心行處滅，不生不滅，如涅槃相。（印順法師，《大智度論筆記》〔C016〕p.213）

（2）如涅槃相：言語道過，心行處滅，常不生滅，如涅槃相。（印順法師，《大智度論筆記》〔D026〕p.276）

（3）捨一切觀，滅一切言，離諸心行，本不生滅，如涅槃相。（印順法師，《大智度論筆記》〔C003〕p.185）

<sup>60</sup> 有+（後）【宋】【元】【明】【宮】。（大正 25，170d，n.11）

<sup>61</sup> 則=即【宋】【元】【明】【宮】。（大正 25，170d，n.12）

<sup>62</sup> 〔德〕—【宋】【元】【明】，德=業【宮】【石】。（大正 25，170d，n.14）



※ 因論生論：云何言「常、無常皆不實」

問曰：汝言「佛法中常亦不實，無常亦不實」，(170c) 是事不然！何以故？佛法中常亦實，無常亦實。常者，數緣盡<sup>63</sup>、非數緣盡、虛空，不生、不住、不滅故，是常相；無常<sup>64</sup>者，五眾生、住、滅故，無常相。汝何以言「常、無常皆不實」？<sup>65</sup>

答曰：聖人有二種語：一者、方便語，二者、直語。方便語者，為人、為因緣故。為人者，為眾生說是常、是無常，如對治悉檀中說。<sup>66</sup>若說無常，欲拔眾生三界著樂<sup>67</sup>；佛思惟：「以何令眾生得離欲？」是故說無常法。如偈說<sup>68</sup>：

「若觀無生法，於生法得離；若觀無為法，於有為得離。」

云何生？生名因緣和合，無常，不自在，屬因緣<sup>69</sup>，有老病死相、欺誑相、破壞相，是名生；生則是有為法<sup>70</sup>，如對治悉檀說。<sup>71</sup>

(3) 亦常亦無常不可得

「常無常」，非實相，二俱過故。

(4) 非常非無常不可得

若諸法「非有常非無常」，是為愚癡論。所以者何？若非有則破無，若非無則破有；若破此二事，更有何法可說？<sup>72</sup>

※ 因論生論：云何言「非常非無常是愚癡論」

問曰：佛法常空相中，非有、非無；空以除有，空空遮無，是為非有、非無，何以言愚癡論？

<sup>63</sup> 《大智度論》卷 98：「如阿毘曇言：一切有為法及虛空、非數緣盡名為有上法；數緣盡是無上法，數緣盡即是涅槃之別名。」(大正 25, 742c28-743a1)

<sup>64</sup> 常+ (相)【宋】【元】【明】。(大正 25, 170d, n.15)

<sup>65</sup> 立常無常，破常無常。(印順法師，《大智度論筆記》〔C029〕p.232)

<sup>66</sup> 「直語。

聖人有二種語——方便語——為人說常說無常，如對治悉檀。

(印順法師，《大智度論筆記》〔A005〕p.9)

《大智度論》卷 1：「觀無常是對治悉檀，非第一義。何以故？一切諸法自性空故。如說偈言：無常見有常，是名為顛倒；空中無無常，何處見有常？」(大正 25, 60b15-18)

<sup>67</sup> 無常：欲拔眾生三界著樂。(印順法師，《大智度論筆記》〔C009〕p.199)

<sup>68</sup> 〔說〕—【宋】【元】【明】【宮】。(大正 25, 170d, n.16)

<sup>69</sup> 緣+ (有者)【宋】【元】【明】【宮】。(大正 25, 170d, n.17)

<sup>70</sup> 生：緣合無常，不自在，從緣則有老病死相。(印順法師，《大智度論筆記》〔D031〕p.281)

<sup>71</sup> 《大智度論》卷 1：

問曰：一切有為法，皆無常相應，是第一義。云何言無常非實？所以者何？一切有為法，生、住、滅相，前生、次住、後滅故，云何言無常非實？

答曰：有為法不應有三相。何以故？三相不實故。若諸法生、住、滅是有為相者，今「生」中亦應有三相，「生」是有為相故；如是一一處亦應有三相，是則無窮，住、滅亦如是。若諸生、住、滅各更無有生、住、滅者，不應名有為法。何以故？有為法相無故。以是故，諸法無常，非第一義。(大正 25, 60b19-28)

<sup>72</sup> 破却有無，有何可說。(印順法師，《大智度論筆記》〔C030〕p.234)

答曰：佛法實相，不受、不著。汝非有、非無受著故，是為癡論。<sup>73</sup>若言非有、非無，是則可說、可破，是心生處，是鬪諍處。

佛法則不然，雖因緣故說非有、非無，不生著；不生著則不可壞、不可破。<sup>74</sup>

**2、邊、無邊、亦有邊亦無邊、非有邊非無邊等皆不可得**

諸法若有邊，若無邊，若有無邊，若非有無邊；若死後有去，若死後無去，若死後有去無去，若死後非有去非無去；是身是神，身異神異，亦如是，皆不實。

**3、六十二見等亦皆不實**

於六十二見<sup>75</sup>中觀諸法，亦皆不實。

**4、除卻十四難、六十二見等，信佛法清淨心不悔，是名法忍**

如是一切除却，信佛法清淨不壞相，心不悔、不轉，是名法忍。

**(十二) 離有無見，住中道**<sup>76</sup>（印順法師，《大智度論筆記》〔A035〕p.68；〔A028〕p.53）

**1、破有見**（印順法師，《大智度論筆記》〔A028〕p.53）

**(1) 總破**（印順法師，《大智度論筆記》〔A028〕p.53）

**A、有無墮斷滅故**（印順法師，《大智度論筆記》〔A028〕p.53）

復次（171a），有、無二邊，觀諸法生時、住時，則為有見相；觀諸法老時、壞時，則為無見相；<sup>77</sup>三界眾生，多著此二見相。是二種法，虛誑不實。若實<sup>78</sup>有相則不應無。何以故？今無先有，則墮斷中；若斷，是則不然。

<sup>73</sup> 受著雙非，可說可破，是愚癡論。（印順法師，《大智度論筆記》〔C017〕p.215）

<sup>74</sup> 佛法因緣故說，心不生著、不可破壞。（印順法師，《大智度論筆記》〔C017〕p.215）

<sup>75</sup> 六十二種邪見，參見《長阿含經》卷 14（21 經）《梵動經》（大正 1，89c21-94a14）。

<sup>76</sup>

	┌ 1、有無墮斷滅故。
	2、但假名和合，法無名亦無故。
	└ 總破 ─┬ 3、以心識知，離心不可得故。
	4、四大等相悉捨相故。
	5、諸賢聖人能令轉變故。
見生住起有見	└ 破有見 ─┬ 6、有見為貪瞋癡等所繫諍故。
↑	7、色法：分析破散無餘故。
	└ 別破 ─┬ 心法：即生即滅，無常空故。
	心數、心不相應行：例破。
離有無見得中道	└ 無為法 ─┬ 因有為而施設故。
	見作無常，知不作常；今見作法有，不作應無故。
↓	└ 破斷無 ─┬ 無因緣故，一物應出一切物，或一物中都無所出。
見異滅起無見	└ 破無見 ─┬ 無罪福故，後世不應有貧富等異。
	破常無 ─┬ 壞世出世法故。
	若言顛倒見有，何不於一見二三耶？

（印順法師，《大智度論筆記》〔A028〕p.53）

<sup>77</sup> 見生、住起有見；見異、滅起無見。（印順法師，《大智度論筆記》〔A028〕p.53）

不相應行：眾生觀生住起有見，觀老壞起無見。（印順法師，《大智度論筆記》〔D022〕p.267）

<sup>78</sup> 〔若實〕—【宋】【元】【明】【宮】。（大正 25，171d，n.1）

**B、但假名和合，法無名亦無故**（印順法師，《大智度論筆記》〔A028〕p.53）

復次，一切諸法，名字和合故，謂之為有；以是故，名字和合所生法不可得。

問曰：名字所生法，雖不可得，則有名字和合！

答曰：若無法，名字為誰而和合？是則無名字。<sup>79</sup>

**C、以心識知，離心不可得故**（印順法師，《大智度論筆記》〔A028〕p.53）

復次，若諸法實有，不應以心識故知有；若以心識故知<sup>80</sup>有，是則非有。如地堅相，以身根、身識知故有，若無身根、身識知，則無堅相。<sup>81</sup>

問曰：身根，身識，若知、若不知，而地常是堅相！

答曰：若先自知有堅相，若從他聞則知有堅相；若先不知、不聞，則無堅相。

**D、四大等相悉捨相故**（印順法師，《大智度論筆記》〔A028〕p.53）

復次，地若常是堅相，不應捨其相，如凝酥、蠟蜜、樹膠，融則捨其堅相，墮濕相中；金、銀、銅、鐵等亦爾。如水為濕相，寒則轉為堅相。如是等種種，悉皆捨相。<sup>82</sup>

**E、諸賢聖人能令轉變故**（印順法師，《大智度論筆記》〔A028〕p.53）

復次，諸論議師輩有能令無、無能令有；諸賢聖人、坐禪人能令地作水、水作地。如是等諸法皆可轉，如十一切人<sup>83</sup>中說。

**F、有見為貪瞋癡等所繫淨故**（印順法師，《大智度論筆記》〔A028〕p.53）

復次，是有見，為貪欲、瞋恚、愚癡、結縛、鬪諍故生；若有生此欲、恚等處，是非佛法。何以故？佛法相善淨故，以是故非實。

**(2) 別破**（印順法師，《大智度論筆記》〔A028〕p.53）

復次，一切法有<sup>84</sup>二種：色法、無色法。

**A、色法：分析破散無餘故**（印順法師，《大智度論筆記》〔A028〕p.53）

色法分析乃至微塵，散滅無餘，如〈檀波羅蜜品〉破施物中說。<sup>85</sup>

**B、心法：即生即滅，無常空故**（印順法師，《大智度論筆記》〔A028〕p.53）

無色法五情所不知故，意情生、住、滅時觀故，知心有分<sup>86</sup>，有分故無常，無常故

<sup>79</sup> 假名：名字和合謂之為有，無法名字為誰合。（印順法師，《大智度論筆記》〔D008〕p.250）

<sup>80</sup> 〔知〕—【宋】【元】【明】【宮】【石】。（大正 25，171d，n.3）

<sup>81</sup> 參見《大智度論》卷 18（大正 25，194c）。

<sup>82</sup> 色蘊：四大悉皆捨相，是故空。（印順法師，《大智度論筆記》〔D001〕p.236）

<sup>83</sup> 「十一切人」即「十遍處」。參見《大智度論》卷 28（大正 25，264b28）。

<sup>84</sup> 法有=有法【宋】【元】【明】【宮】【石】。（大正 25，171d，n.4）

<sup>85</sup> 參見釋厚觀、郭忠生合編，〈《大智度論》之本文相互索引〉，《正觀》（6），pp.34-35：《大智度論》卷 12（大正 25，147b5-148a22）。

<sup>86</sup> 有分，表示可以再細分。參見：

（1）《大毘婆沙論》卷 132：「問：諸極微互相觸不？設爾何失？二俱有過。若相觸者寧不成一，或成有分；若不相觸擊時，應散或應無聲。答：應作是說：極微互不相觸，若觸則應或遍或分。遍觸則有成一體過，分觸則有成有分失，然諸極微更無細分。」（大正 27，683c26-684a2）

空，空故非有。

彈指頃有六十時<sup>87</sup>，一一時中，心有生、滅；相續生故，知是貪心、是<sup>88</sup>瞋心、(171b)是癡心，是信心、清淨智慧禪定心。行者觀心生、滅，如流水、燈焰，此名入空智門。<sup>89</sup>何以故？若一時生，餘時中滅者，此心應常。何以故？此極少時中無滅故；若一時中無滅者，應終始無滅。

**C、心數、心不相應行：例破**（印順法師，《大智度論筆記》〔A028〕p.53）

復次，佛說有為法，皆有三相。<sup>90</sup>

若極少時中生而無滅者，是為非有為法。

若極少時中心生、住、滅者，何以但先生而後滅，不先滅而後生？<sup>91</sup>

---

(2) 印順法師，《說一切有部為主的論書與論師之研究》，p.231：

常識中的地，是和合有，是世俗假想施設而非真實的。佛說的地界——地大，那是勝義有，也就是有實自性的。從複合的總聚，而探得一一法的自性，如上所引，也稱為「分」。

「分」是不可再分析的；如可以分析為多分，那就是「有分」而不是「分」了。

<sup>87</sup> 參見 Lamotte (1949, p.921, n.1)：剎那 (kṣaṇa) 是最小的時間單位。小乘佛教聖者一致認為諸法是剎那無常，但是對於此一語詞之意義，則互有評論。

**巴利語學者及說一切有部**——毘婆沙師是承認過去及未來，且認為剎那之法具有二、三或四種之有為法之特徵（有為法相），而一致認為在一剎那間，「法」有「生」、「住」、「滅」。〔參見《大毘婆沙論》卷 39（大正 27，201b-c），《俱舍論》卷 5〈2 分別根品〉（大正 29，27a-b），《順正理論》卷 13（大正 29，409b-c）〕

但是經部否認過去及未來，而不承認「有為法相」。（參見《俱舍論》卷 5〈2 分別根品〉（大正 29，27b-c）他們認為所謂剎那即是「法之性質乃是生起之後立即（並自發的）滅去」。「得體無間滅」，參見《俱舍論》卷 13〈4 分別業品〉（大正 29，67c）〕

其後，**中觀學派以及唯識學派**均不承認有為法相。〔參見《大智度論》卷 1（大正 25，60b）〕  
《大智度論》此處說有六十剎那，《大毘婆沙論》卷 136（大正 27，701b14）則說有六四剎那；  
《俱舍論》卷 12〈3 分別世品〉（大正 29，62a），《順正理論》卷 32（大正 29，521c13-14）則稱有六五剎那。

<sup>88</sup> 〔是〕—【宋】【元】【明】【宮】。（大正 25，171d，n.7）

<sup>89</sup> 無常：觀心生滅如流水燈焰，此名為入空智門。（印順法師，《大智度論筆記》〔C009〕p.198）  
心法：五情所不知。意情生住滅時觀故，知心有分。有分故無常，無常故空，空故非有。彈指頃有六十時，一一時中心有生滅，相續生故，知是染心善心。行者觀心生滅，如流水燈焰，是名入空智門。（印順法師，《大智度論筆記》〔A059〕p.99）

<sup>90</sup> 參見《增壹阿含經》卷 12：「世尊告諸比丘：此三有為有為相。云何為三？**知所從起，知當遷變，知當滅盡。彼云何知所從起？**所謂生——長大成五陰形，得諸持、入，是謂所從起。**彼云何為滅盡？**所謂死——命過不住、無常，諸陰散壞，宗族別離，命根斷絕，是謂為滅盡。**彼云何變易？**齒落、髮白、氣力竭盡，年遂衰微，身體解散，是謂為變易法。是為——比丘——三有為有為相，當知此三有為相，善分別之。」（大正 2，607c14-22）

另參見《中論》卷 2〈7 觀三相品〉（大正 30，9a6）。

<sup>91</sup> 參見《中論》卷 2：「三相若聚散，不能有所相；云何於一處一時有三相？」（大正 30，9a26-27）  
印順法師，《中觀論頌講記》，pp.145-146：

三相在同一的時間中具足，叫聚；有前有後，在初中後中具足，叫散。說三相有為有為法作相的，到底說同時有三相？還是前後次第有三相？

**有部與犢子系，主張在一法的一剎那中，同時有三相。**但這是相當困難的；假定說，在一法一剎那中，聚有三相，這不是同時有生、住、滅的作用了嗎？

……**經部主張三相有前後**，他說：先生，次住，後滅，這在相續行上建立。但佛說有為法有三相，現在不是承認一一剎那中沒有三有為相嗎？

復次，若先有心後有生，則心不待生。何以故？先已<sup>92</sup>有心故。若先有生，則生無所生。又生、滅性相違，生則不應有滅，滅時不應有生。以是故，一時不可得，異亦不可得，是即無生；若無生，則無住、滅；若無生、住、滅，則無心數法；無心數法，則無心不相應諸行。

**D、無為法**（印順法師，《大智度論筆記》〔A028〕p.53）

**(A) 因有為而施設故**（印順法師，《大智度論筆記》〔A028〕p.53）

色、無色法無故，無為法亦無。何以故？因有為故有無為，若無有為則亦無無為。

**(B) 見作無常，知不作常；今見作法有，不作應無故**（印順法師，《大智度論筆記》〔A028〕p.53）

復次，見作法無常故，知不作法常。若然者，今見作法是有法，不作法應是無法。以是故，常法不可得。

復次，外道及佛弟子，說常法<sup>93</sup>有同、有異：同者，虛空、涅槃；外道<sup>94</sup>有神、時、方、微塵、冥初<sup>95</sup>，如是等名為異<sup>96</sup>。又<sup>97</sup>佛弟子說：「非數緣滅是<sup>98</sup>常。」又復言：「滅<sup>99</sup>因緣法常，因緣生法無常。」摩訶衍中常法——法性、如、真際<sup>100</sup>，如是等種種，名為常法。虛空<sup>101</sup>、涅槃<sup>102</sup>，如先〈讚菩薩品〉中說。神<sup>103</sup>及時<sup>104</sup>、方<sup>105</sup>、微塵<sup>106</sup>，亦如上說。以是故，不應言諸法有。

……所以「三相若聚」若「散」，對有為法，都「不能有所」表「相」。一法上聚有三相，有生滅自相矛盾的過失。也不能說前後有三相，有生無滅，有滅無生，也不能表示他是有為。一定要說三相同時，你想想，怎麼可說「於一處一時有三相」呢？

<sup>92</sup> 已=以【宋】【元】【明】【宮】。（大正 25，171d，n.8）

<sup>93</sup> 法+（法）【宋】【元】【明】【宮】。（大正 25，171d，n.10）

<sup>94</sup> 道+（言）【元】【明】。（大正 25，171d，n.11）

<sup>95</sup> 冥初：又作冥諦、冥性，通常多稱自性諦、自性。為古代印度六派哲學中之數論哲學派所立二十五諦之第一諦，是為萬物之本源、諸法之始，故亦稱冥初。又為諸法生滅變異之根本原因，即為諸法之實性，故又稱冥性、自性。（參見《佛光大辭典》（五），pp.4056-4057）

《百論》卷 1〈2 破神品〉：「外曰：不應言一切法空無相，神等諸法有故（修妬路）。迦毘羅、優樓迦等言：神及諸法有。迦毘羅言：從冥初生覺，從覺生我心，從我心生五微塵，從五微塵生五大，從五大生十一根。神為主，常覺相處中常住，不壞不敗，攝受諸法。能知此二十五諦即得解脫，不知此者不離生死。」（大正 30，170c12-18）

<sup>96</sup> 參見 Lamotte（1949，p.923，n.1）：《大智度論》此處在批評勝論學派，此派所承認之九法（九種實體）中，即包括神（ātman，我）、時（kāla）、方（dīś），並且承認極微（微塵）；至於《大智度論》此處提及「冥初」（tamas），可能是指數論學派，因此派認 tamas 是自性（prakṛti）之三德（guṇa）之一。

<sup>97</sup> 又=有【宋】【元】【明】【宮】【石】。（大正 25，171d，n.12）

<sup>98</sup> 〔是〕—【宋】【元】【明】【宮】【石】。（大正 25，171d，n.13）

<sup>99</sup> 〔滅〕—【宋】【宮】【石】。（大正 25，171d，n.15）

<sup>100</sup> 參見《正觀》，（6），p.35：《大智度論》卷 32（大正 25，297b22-299a21）。

<sup>101</sup> 參見《大智度論》卷 6（大正 25，102b24-103a11）。

<sup>102</sup> 參見《大智度論》卷 4（大正 25，85b），卷 5（大正 25，96c）。

<sup>103</sup> 參見《大智度論》卷 1（大正 25，64a-b），卷 12（大正 25，148a23-150a17）。

<sup>104</sup> 參見《大智度論》卷 1（大正 25，65b-66a）。

<sup>105</sup> 參見《大智度論》卷 10（大正 25，133b13-c9），卷 31（大正 25，288a16-b23）。

<sup>106</sup> 參見《大智度論》卷 6（大正 25，104b4-5），卷 12（大正 25，147c19-148a4），卷 15（大正 25，171a24-26）；另參見卷 31（大正 25，291c21-292a9），卷 32（大正 25，297c2-4），卷 36

**2、破無見**（印順法師，《大智度論筆記》〔A028〕p.53）

若諸法無者，有二種：一者、常無，二者、斷滅故無。<sup>107</sup>

**(1) 破斷無**（印順法師，《大智度論筆記》〔A028〕p.53）

**A、無因緣故，一物應出一切物，或一物中都無所出**（印順法師，《大智度論筆記》〔A028〕p.53）

若先有今無，若今有後無，是則斷滅。若然者，則無因緣；無因緣者，應一物中出一切物，亦應一切<sup>108</sup>物中都無所出。

**B、無罪福故，後世不應有貧富等異**（印順法師，《大智度論筆記》〔A028〕p.53）

後世中亦如是，若斷罪福因緣，則不應有貧富（171c）、貴賤之異，及墮惡道、畜生中。

**(2) 破常無**（印順法師，《大智度論筆記》〔A028〕p.53）

**A、壞世出世法故**（印順法師，《大智度論筆記》〔A028〕p.53）

若言常無，則無苦、集、滅<sup>109</sup>、道；若無四諦，則無法寶；若無法寶<sup>110</sup>，則無八賢聖道；若無法寶、僧寶，則無佛寶；若如是者，則破三寶。

復次，若一切法實空者，則無罪福，亦無父母，亦無世間禮法，亦無善無惡。然則善惡同門，是非一貫<sup>111</sup>，一切物盡無，如夢中所見。若言實無，有如是失，此言誰當信者！

**B、若言顛倒見有，何不於一見二三耶**（印順法師，《大智度論筆記》〔A028〕p.53）

若言顛倒故見有者，當見一人時，何以不見二、三？以其實無而顛倒見故。

**3、小結**

若不墮此有、無見，得中道實相。云何知實？如過去恒河沙等諸佛菩薩所知所說，未來恒河沙等諸佛菩薩所知所說，現在恒河沙等諸佛菩薩所知所說。信心大故，不疑、不悔；信力大故，能持、能受——是名法忍。

**(十三) 定力故心柔；聞實相，信不疑悔**（印順法師，《大智度論筆記》〔A035〕p.68）

復次，禪定力故，心柔軟清淨，聞諸法實相，應心與會，信著深入，無疑、無悔<sup>112</sup>。所以者何？疑、悔是欲界繫法，<sup>113</sup>麤惡故不入柔軟心中——是名法忍。

**(十四) 慧力故能忍**（印順法師，《大智度論筆記》〔A035〕p.68）

復次，智慧力故，於一切諸法中種種觀，無有一法可得者；是法能忍、能受，不疑、不悔，是名法忍。

（大正 25，326b20-c18），卷 42（大正 25，365c25-27），卷 70（大正 25，546c17-547a8）。

<sup>107</sup> 無前因緣，今應一出一切

┌ 一、斷滅無 ─ 無今緣，後應無罪福報

二種無 ─┬ 一切皆無，壞世出世法

└ 二、常 無 ─ 若言顛倒見有，何不亂見？（印順法師，《大智度論筆記》〔A015〕p.28）

<sup>108</sup> 〔切〕—【宋】【元】【明】【宮】。（大正 25，171d，n.18）

<sup>109</sup> 滅=盡【宋】【元】【明】【宮】【石】。（大正 25，171d，n.19）

<sup>110</sup> 〔若無法寶〕—【宋】【元】【明】【宮】。（大正 25，171d，n.20）

<sup>111</sup> 一貫：同樣，一樣。（《漢語大詞典》（一），p.79）

<sup>112</sup> （惱）+悔【宋】，悔=惱【宮】。（大正 25，171d，n.22）

<sup>113</sup> 疑悔：欲界繫法。（印順法師，《大智度論筆記》〔A059〕p.99）

**〔十五〕離無明，知諸法實相空等不著**（印順法師，《大智度論筆記》〔A035〕p.68）

復次，菩薩思惟：「凡夫人以無明毒故，於一切諸法中作轉相：非常作常想，苦作樂想，無我有我想，空謂有實，<sup>114</sup>非有為有，有為非有。如是等種種法中作轉相，得聖實智慧，破無明毒，知諸法實相。」得無常、苦、空、無我智慧，棄捨不著，是法能忍，是名法忍。<sup>115</sup>

**〔十六〕觀諸法從本來空**（印順法師，《大智度論筆記》〔A035〕p.68）

復次，觀一切諸法，從本已來常空，今世亦空，是法能信、能受，是為法忍。

**※ 畢竟空：取相心著為惡相，觀空不著為法忍**（印順法師，《大智度論筆記》〔C006〕p.192）

問曰：若從本已來常空，今世亦空，是為惡邪，云何言法忍？

答曰：若觀諸法常畢竟空，取相心著（172a），是為惡邪見；若觀空不著，不生邪見，是為法忍。<sup>116</sup>如偈說：

「諸法性常空，心亦不著空；如是法能忍，是佛道初相。」<sup>117</sup>

**※ 結說法忍**

如是等種種入智慧門，觀諸法實相，心不退、不悔，不隨諸觀，亦無所憂，能得自利、利他，是名法忍。

**四、法忍三種行清淨，住般若波羅蜜中，能具足羸提波羅蜜**

是法忍有三種行清淨：<sup>(1)</sup>不見忍辱法；<sup>(2)</sup>不見己身，不見罵辱人；<sup>(3)</sup>不戲諸法，是時名清淨法忍。<sup>118</sup>以是事故，說菩薩住般若波羅蜜中，能具足羸提波羅蜜，不動、不退故。<sup>119</sup>云何名「不動不退」？瞋恚不生，不出惡言，身不加惡，心無所疑。菩薩知般若波羅蜜實相，不見諸法，心無所著故；若人來罵，若加楚毒、殺害，一切能忍。

以是故說「住般若波羅蜜中，能具足羸提波羅蜜」。

<sup>114</sup> 煩惱：以無明毒起四顛倒。（印順法師，《大智度論筆記》〔C018〕p.217）

<sup>115</sup> 「凡夫以無明毒——非常作常想乃至非有謂有，有謂非有  
法——聖人得實智慧——得實相」（印順法師，《大智度論筆記》〔A015〕p.28）

<sup>116</sup> (1) 《大正藏》原作「若觀諸法畢竟空」，今依《高麗藏》作「若觀諸法常畢竟空」（第 14 冊，528c12）。

(2) 「取相心著——惡邪  
法性本空——心不著空——法忍」（印順法師，《大智度論筆記》〔A005〕p.9）  
「善觀空而不著於空」，參見《大智度論》卷 18（大正 25，193c-194a）。

<sup>117</sup> 觀空不著，佛道初相。（印順法師，《大智度論筆記》〔C010〕p.201）

解脫：於邪見得離。（印順法師，《大智度論筆記》〔C012〕p.204）

參見《大智度論》卷 5：「已得解脫（丹注云：於邪見得離，故言解脫也），空非空（丹注云：於空不取，故言非也），是等悉捨，滅諸戲論，言語道斷；深入佛法，心通無礙，不動不退，名無生忍，是助佛道初門，以是故說已得等忍。」（大正 25，97c1-4）

<sup>118</sup> 「不見忍辱法

法忍三種清淨——不見己身、罵辱人

「不戲諸法」（印順法師，《大智度論筆記》〔A005〕p.10，〔A035〕p.68）

<sup>119</sup> 忍心不動不退。（印順法師，《大智度論筆記》〔A035〕p.68）

〈釋初品中毘梨耶波羅蜜義第二十六<sup>120</sup>〉

（大正 25，172a16-174a21）

【經】身心精進不懈息<sup>121</sup>故，應具足毘梨耶波羅蜜。

【論】毘梨耶（秦言精進）。<sup>122</sup>

一、精進是一切善法本，為何六度中精進排序在第四

問曰：如精進是一切善法本，<sup>123</sup>應最在初，今何以故第四？

答曰：

（一）施、戒、忍世間常有，以精進力乃得禪、慧<sup>124</sup>

布施、持戒、忍辱，世間常有。<sup>125</sup>

1、或有施不須精進

如客主之義，法應供給，乃至畜生亦知布施；或有人種種因緣故能布施，若為今世、若為後世、若為道故布施，不須精進。

2、或有戒不須精進

如持戒者，見為惡之人，王法治罪，便自畏懼，不敢為非；或有性善，不作諸惡；有人聞今世作惡，後世受罪，而以怖畏，故能持戒；有人聞持戒因緣故，得離生、老、病、死，是中心生、口言：「我從今日，不復殺生。」如是等即是戒，豈須精進波羅蜜（172b）而能行耶？

3、或有忍不須精進

如忍辱中，若罵、若打、若殺，或畏故不報，或少力、或畏罪、或修善人法、或為求道故，默然不報，皆不必須精進波羅蜜乃能忍也。

4、欲得定慧必須精進（印順法師，《大智度論筆記》〔D005〕p.245）

今欲得知諸法實相，行般若波羅蜜故，修行禪定；禪定是實智慧之門，<sup>126</sup>是中應勤修精進，一心行禪。

（二）福德門：施戒忍，得此遮一切罪；智慧門：由精進得禪定，由禪定得智慧

1、福慧二門（印順法師，《大智度論筆記》〔1079〕p.482）

復次，布施、持戒、忍辱，是大福德，安隱快樂，有好名譽，所欲者得；既得知此福利之味，今欲增進，更得妙勝禪定、智慧。譬如穿井已見濕泥，轉加增進必望得水；又如鑽火，已得見煙，倍復力勵，必望得火。

<sup>120</sup> 義第二十六=上第二十六【宋】，=上【元】，=上第二十一【宮】【石】，〔義第二十六〕—【明】。（大正 25，172d，n.3）

<sup>121</sup> 息=怠【元】【明】。（大正 25，172d，n.5）

<sup>122</sup> 〔毘梨……進〕七字—【宋】【元】【明】【宮】【石】。（大正 25，172d，n.8）

<sup>123</sup> 精進是一切善法本。（印順法師，《大智度論筆記》〔A036〕p.68）

<sup>124</sup> 施、戒、忍——世間常有

六度┆精進——┆

┆禪、實慧┆以精進力乃得後二（印順法師，《大智度論筆記》〔A006〕p.10）

<sup>125</sup> 施戒忍世間常有。（印順法師，《大智度論筆記》〔D005〕p.245）

或有施戒忍不須精進。（印順法師，《大智度論筆記》〔A036〕p.68）

<sup>126</sup> 禪定是實慧之門。（印順法師，《大智度論筆記》〔A037〕p.70）



欲成佛道，凡有二門：一者、福德，二者、智慧。

行施、戒、忍是為福德門；知一切諸法實相，摩訶般若波羅蜜，是為智慧門。<sup>127</sup>

**(1) 福德門—施戒忍……得此遮一切罪** (印順法師，《大智度論筆記》〔A006〕p.10)

菩薩入**福德門**，除一切罪，所願皆得；若不得願者，以罪垢遮故。

**(2) 智慧門—由精進得禪定，由禪定得智慧……得此等觀生死涅槃不二** (〔A006〕p.10)

入**智慧門**，則不厭生死，不樂涅槃，二事一故。<sup>128</sup>

今欲出生摩訶般若波羅蜜，般若波羅蜜要因禪定門，禪定門必須大精進力。<sup>129</sup>何以故？散<sup>130</sup>亂心不能得見諸法實相。<sup>131</sup>譬如風中然燈，不能照物；燈在密屋，明必能照。

**2、定慧不可以福願求，要以精進得** (印順法師，《大智度論筆記》〔D005〕p.245)

是禪定、智慧，不可以福願求，亦非僥觀能得，要須身、心精勤，急著不懈，爾乃成辦。如佛所說：「血、肉、脂、髓皆使竭盡，但令<sup>132</sup>皮、骨、筋在，不捨精進。」<sup>133</sup>如是乃能得禪定、智慧，得是二事，則眾事皆辦。

**(三) 小結**

以是故，精進第四，名為禪定、實智慧之根。上三中雖有精進，少故不說。

**二、佛道不但以福德得，要須精進求定慧** (印順法師，《大智度論筆記》〔D005〕p.245)

問曰：有人言：但行布施、持戒、忍辱故，得大福德；福德力故，所願皆得，禪定、智慧自然而至，復何用精進波羅蜜為<sup>134</sup>？

<sup>127</sup> 六度攝為福德智慧二門。(印順法師，《大智度論筆記》〔D005〕p.245)

┌ 福德門——施戒忍……得此遮一切罪

六度└ 智慧門——由精進得禪定，由禪定得智慧……得此等觀生死涅槃不二

(印順法師，《大智度論筆記》〔A006〕p.10)

關於「福慧二門」，《大智度論》有異說：

(1) 《大智度論》卷 50：「佛自說六波羅蜜具足：五度則福德具足，般若則智慧具足。」(大正 25, 418c19-21)

(2) 《大智度論》卷 57：「五波羅蜜是福德，般若波羅蜜是智慧。」(大正 25, 464b3-4)

<sup>128</sup> 《大寶積經》卷 90〈24 優波離會〉(大正 11, 519a1-6)：

「一切眾生如幻化，求其邊際不可得；若知如是無邊性，斯人處世無疲厭。

了知諸法如實相，常行**生死即涅槃**；於諸欲中實無染，調伏眾生言離欲。

大悲利益諸眾生，而實無人無壽者；不見眾生而利益，當知此事甚為難。」

<sup>129</sup> 禪定門必須大精進。(印順法師，《大智度論筆記》〔A037〕p.71)

<sup>130</sup> 散=欲界【宋】【元】【明】【宮】【石】。(大正 25, 172d, n.10)

<sup>131</sup> 欲界亂心，不能得見諸法實相。(印順法師，《大智度論筆記》〔A039〕p.74)

<sup>132</sup> 令=爾【石】。(大正 25, 172d, n.11)

<sup>133</sup> 參見《雜阿含經》卷 14 (348 經)：

爾時，世尊告諸比丘：「如來成就十種力，得四無畏，知先佛住處，能轉梵輪，於大眾中震師子吼言：此有故彼有，此起故彼起，謂緣無明行，廣說乃至純大苦聚集、純大苦聚滅。諸比丘！此是真實教法顯現，斷生死流，乃至其人悉善顯現。如是真實教法顯現，斷生死流，足令善男子正信出家，方便修習，不放逸住。於**正法律精勤苦行，皮筋骨立，血肉枯竭，若其未得所當得者，不捨慙慙精進方便，堅固堪能**。所以者何？懈怠苦住，能生種種惡不善法，當來有結熾然，增長於未來世生老病死，退其大義故。」(大正 2, 98a14-25)

<sup>134</sup> [為]—【宋】【元】【明】【宮】。(大正 25, 172d, n.12)

答曰：

**（一）無禪定尚不生梵天，何況佛道**（印順法師，《大智度論筆記》〔A037〕p.71）

佛道甚深難得，雖有布施、持戒、忍（172c）辱力，要須精進，得甚深禪定、實智慧及無量諸佛法。若不行精進，則不生禪定；禪定不生，則不得生梵天王處，何況欲求佛道？

**（二）雖有福，然不能得道**

**1、民大居士得寶物隨意**（印順法師，《大智度論筆記》〔I017〕p.433）

復次，有人如民大居士<sup>135</sup>等，欲得無量寶物，則應意皆得。

**2、頂生王事**（印順法師，《大智度論筆記》〔I017〕p.432）

如頂生王王<sup>136</sup>四天下，天雨七寶及所須之物，釋提婆那民分座與坐；雖有是福，然不能得道<sup>137</sup>。

**（三）雖無福，然可得道**

如羅頻珠比丘，雖得阿羅漢道，乞食七日不得，空鉢而還；後以禪定火自燒其身而般涅槃。<sup>138</sup>

**（四）結說**

以是故知，非但福德力故得道；欲成佛道，要須懃大精進。

### **三、精進之利益**

問曰：菩薩觀精進，有何利益而懃修不懈？

答曰：

**（一）一切今世後世利益，皆由精進得**

一切今世、後世道德利益，皆由精進得。

**（二）欲自度身尚須精進，況度一切眾生**

復次，若人欲自度身，尚當懃急精進，何況菩薩誓願欲度一切！如讚精進偈中說：

<sup>135</sup> 參見 Lamotte (1949, p.930, n.2)：民大 (Menḍaka) 是一位富有的在家居士，住於 Bhadrakara (巴利：Bhaddiyanagara，位在今孟加拉)。當佛陀來此城遊化時，民大供養僧團之食宿，而在其聽聞到關於其預記後，即證得須陀洹。此一奉佛之過程，在律典中有詳細的記載：巴利 Vinaya, I, pp.240-245；《五分律》卷 22 (大正 22, 150b-151a)；《四分律》卷 42 (大正 22, 872b-873a)；《十誦律》卷 26 (大正 23, 191a-192b)。

<sup>136</sup> 王 (ㄨㄤˋ)：1.統治，稱王。(《漢語大詞典》(四)，p.453)

<sup>137</sup> 參見 Lamotte (1949, p.931, n.1)：《中阿含經》卷 11 (60 經)《四洲經》(大正 1, 494b-496a)，《頂生王故事經》(大正 1, 822b-824a)。

<sup>138</sup> 羅頻珠羅漢乞食不得而涅槃。(印順法師，《大智度論筆記》〔H024〕p.417)

參見《大智度論》卷 30：「如舍利弗弟子羅頻周比丘，持戒精進，乞食六日而不能得，乃至七日，命在不久；有同道者乞食持與，鳥即持去。時舍利弗語目捷連：汝大神力，守護此食，令彼得之！即時目捷連持食往與，始欲向口，變成為泥；又舍利弗乞食持與，而口自合；最後佛來，持食與之，以佛福德無量因緣故，令彼得食。是比丘食已，心生歡喜，倍加信敬。佛告比丘：『有為之法皆是苦相。』為說四諦；即時比丘漏盡意解，得阿羅漢道。」(大正 25, 278c2-12)

「有人<sup>139</sup>不惜身，智慧心決定，如法行精進，所求事無難！  
 如農夫<sup>140</sup>勲修，所收必豐實；亦如涉遠路，勲則<sup>141</sup>必能達。  
 若得生天上，及得涅槃樂，如是之因緣，皆由精進力。  
 非天非無因，自作故自得，誰有智慧人，而不自勉勵？  
 三界火熾然，譬如大炎火<sup>142</sup>，有智決斷人，乃能得免離！  
 以是故佛告：阿難正精進，如是不懈怠<sup>143</sup>，直至於佛道。  
 勉強<sup>144</sup>而勲修，穿地能通泉；精進亦如是，無求而不得。  
 能如行道法，精進不懈者，(173a)無量果必得，此報終不失！」

### 〔三〕精進是一切善法本，乃至能得無上菩提

復次，精進法是一切諸善法之根本，能出生一切諸道法，乃至阿耨多羅三藐三菩提，何況於小利！如《毘尼》<sup>145</sup>中說：「一切諸善法，乃至阿耨多羅三藐三菩提，皆從精進不放逸生。」

### 〔四〕勤能引發往因令得果 (印順法師，《大智度論筆記》〔A036〕p.68)

復次，精進能動發先世福德，如雨潤種，能令必生；此亦如是，雖有先世福德因緣，若無精進則不能生；乃至今世利尚不能得，何況佛道！

### 〔五〕精進荷負眾生，受一切苦，是為精進

復次，諸大菩薩荷負眾生，受一切苦，乃至阿鼻泥犁中苦，心亦不懈，是為精進。

### 〔六〕行道無精進必不能成，故勤遍三十七道品 (印順法師，《大智度論筆記》〔A036〕p.68)

復次，一切眾事，若無精進，則不能成。譬如下藥<sup>146</sup>，以巴豆<sup>147</sup>為主；若除巴豆，則無下力。如是意止、神足、根、力、覺、道，必待精進；若無精進，則眾事不辦。如戒唯在八道，不在餘處；信在根、力，餘處則無。

如精進者，無處不有，既總眾法而別自有門。<sup>148</sup>譬如無明使，遍在一切諸使中，而別有不共無明<sup>149</sup>。

<sup>139</sup> 有人=人有【宋】【元】【明】【宮】。(大正 25, 172d, n.14)

<sup>140</sup> 《大正藏》原作「農失」，今依《高麗藏》作「農夫」(第 14 冊, 530a2)。

<sup>141</sup> 則=行【宋】【元】【明】【宮】。(大正 25, 172d, n.15)

<sup>142</sup> 炎火=火焰【宋】【元】【明】【宮】。(大正 25, 172d, n.16)

<sup>143</sup> 怠=息【宋】【宮】。(大正 25, 172d, n.17)

<sup>144</sup> 勉強：1.盡力而為。(《漢語大詞典》(二), p.792)

<sup>145</sup> 《十誦律》卷 11：「汝等當一心行不放逸法。何以故？乃至諸佛，皆從一心不放逸行得阿耨多羅三藐三菩提；所有助道善法，皆以不放逸為本。」(大正 23, 80c1-4)

<sup>146</sup> 下藥：即“瀉藥”。見《摩訶止觀》卷 4：「如服下藥，須加巴豆，令澁\*瀉盡底。」(大正 46, 40c8-9)

\*澁(去又ㄨ)：3.增加。(《漢語大詞典》(十二), p.1014)

<sup>147</sup> 巴豆：植物名。產於巴蜀，其形如豆，故名。中醫藥上以果實入藥，性熱，味辛，功能破積、逐水、涌吐痰涎，主治寒結便秘、腹水腫脹等。有大毒，須慎用。(《漢語大詞典》(四), p.74)

<sup>148</sup> 精進總攝眾法，別自有門。(印順法師，《大智度論筆記》〔A036〕p.69)

精進遍諸法門而別自有門。(印順法師，《大智度論筆記》〔A040〕p.75)

<sup>149</sup> 煩惱：無明徧諸結使別有不共。(印順法師，《大智度論筆記》〔C018〕p.217)

《阿毘達磨發智論》卷 2：「云何不共無明隨眠？答：諸無明於苦不了，於集、滅、道不了。」(大正 26, 925c27-28)

**四、如何增益精進**（印順法師，《大智度論筆記》〔A036〕p.69）

問曰：菩薩欲得一切佛法，欲度一切眾生，欲滅一切煩惱，皆得如意，云何增益精進而能得佛？譬如小火不能燒大林，火勢增益，能燒一切。

答曰：

**（一）惜身不能成辦諸善法故**（印順法師，《大智度論筆記》〔A036〕p.69）

菩薩從初發心，作誓願，當令一切眾生得歡樂，常為一切不自惜身；若惜身者，於諸善法不能成辦。以是故增益精進。

**（二）觀諸懈怠過失故**（印順法師，《大智度論筆記》〔A036〕p.69）

復次，菩薩種種因緣，呵懈怠心，令樂著精進。懈怠黑雲，覆諸明慧，吞滅功德，增長不善。懈怠之人，初雖小樂，後則大苦；譬如毒食，初雖香美，久則殺人。懈怠之心，燒諸功德，譬如大火燒諸林野。懈怠之人失諸功德，譬如被<sup>150</sup>賊，無復遺餘。如偈說（173b）：

「應得而不得，已得而復失，既自輕其身，眾人亦不敬。  
常處大閻中，無有諸威德，尊貴智慧法，此事永以失。  
聞諸妙道法，不能以益身，如是之過失，皆由懈怠心。  
雖聞增益法，不能得上及，如是之過罪，皆由懈怠心。  
生業<sup>151</sup>不修理<sup>152</sup>，不入於道法，如是之過失<sup>153</sup>，皆由懈怠心。  
上智所棄遠，中人時復近，下愚為之沒，如猪樂在溷<sup>154</sup>。  
若為世中人，三事皆廢失：欲樂及財利，福德亦復沒。  
若為出家人，則不得二事：生天及涅槃，名譽二<sup>155</sup>俱失。  
如是諸廢失，欲知其所由，一切諸賊中，無過懈怠賊！  
以是眾罪故，懶心不應作，馬井二比丘<sup>156</sup>，懈怠墜惡道；  
雖見佛聞法，猶亦不自免<sup>157</sup>！」

如是等種種觀懈怠之罪，精進增長。

**（三）三利皆由精進故**（印順法師，《大智度論筆記》〔A036〕p.69）

復次，觀精進之益，今世、後世、佛道、涅槃之利，皆由精進。

---

參見 Lamotte (1949, p.935, n.2)：「不共無明」是指不伴隨著其他隨眠〔例如貪欲等等〕的獨立的無明。

<sup>150</sup> 被：12.蒙受，遭受，領受。（《漢語大詞典》（九），p.55）

<sup>151</sup> 生業：1.猶生涯，職業。2.產業，資財。3.從事某種產業。（《漢語大詞典》（七），p.1511）

<sup>152</sup> 修理：1.治理，3.操持，料理。《百喻經·觀作瓶喻》：“愚人亦爾，修理家務，不覺非常。”  
5.處置。6.整治。（《漢語大詞典》（一），p.1376）

<sup>153</sup> 失=罪【宋】【元】【明】【宮】。（大正 25，173d，n.3）

<sup>154</sup> 溷（尸乂ㄌ、）：8.圈，養牲畜禽獸之處。（《漢語大詞典》（六），p.13）

<sup>155</sup> 參見 Lamotte (1949, p.937, n.1)：此即是指在家、出家二眾。

<sup>156</sup> 馬井二比丘：馬宿（Aśvaka，阿說迦）比丘及井宿（或稱滿宿）比丘，為六群比丘中之二人。  
《薩婆多毘尼毘婆沙》卷 4：「六群比丘者：一、難途，二、跋難陀，三、迦留陀夷，四、闍那那，五、馬宿，六、滿宿。云二人得漏盡入無餘涅槃：一、迦留陀夷，二、闍那那。二人生天上，又云二人犯重戒，又云不犯，若犯重者不得生天也：一、難途，二、跋難陀。二人墮惡道生龍中：一、馬宿，二、滿宿。」（大正 23，525c29-526a5）

<sup>157</sup> 免=勉【宋】【元】【明】【宮】。（大正 25，173d，n.5）

**（四）菩薩知空不證度眾生是精進力**（印順法師，《大智度論筆記》〔A036〕p.69）

復次，菩薩知一切諸法皆空無所有，而不證涅槃；憐愍眾生，集諸善法，是精進波羅蜜力。<sup>158</sup>

**（五）釋尊之精進****1、菩薩時**

復次，菩薩一人獨無等侶，以精進福德力故，能破魔軍及結使賊，得成佛道。<sup>159</sup>

**2、成佛時**

既得佛道，於一切諸法，一相無相，其實皆空；而為眾生說諸法種種名字，種種方便，（173c）度脫眾生<sup>160</sup>老病死苦。<sup>161</sup>

**3、欲滅度時（佛滅度而不捨精進）**（印順法師，《大智度論筆記》〔A036〕p.69）

將滅度時，以法身與彌勒菩薩摩訶薩<sup>162</sup>、迦葉、阿難等<sup>163</sup>；然後入金剛三昧，自碎身骨令如芥子，以度眾生而不捨精進力。<sup>164</sup>

**（六）修行精進，無事不得故**（印順法師，《大智度論筆記》〔A036〕p.69）

復次，如阿難為諸比丘說七覺意，至精進覺意，佛問阿難：「汝說精進覺意耶？」阿難言：「說精進覺意。」如是三問、三答。佛即從坐起，告阿難：「人能愛樂修行精進，無事不得；得至佛道，終不虛也。」<sup>165</sup>

如是種種因緣，觀精進利而得增益。

**（七）欲、精進、不放逸次第而生**（印順法師，《大智度論筆記》〔A059〕p.99）

如是精進，佛有時說為欲，或時說精進，有時說不放逸。<sup>166</sup>譬如人欲遠行，初欲去時，是名為欲；發行不住，是為精進；能自勸勵，不令行事稽留<sup>167</sup>，是為不放逸。以是故，知欲生精進，精進生故不放逸，不放逸故能生諸法，乃至得成佛道。

復次，菩薩欲脫生、老、病、死，亦欲度脫眾生，常應精進一心不放逸。如人擎油鉢行大眾中，現前一心不放逸故，大得名利。又如偏閣<sup>168</sup>嶮<sup>169</sup>道，若懸<sup>170</sup>繩，若乘山羊<sup>171</sup>

<sup>158</sup> 不入涅槃。知法皆空不證涅槃，憐憫眾生集善法—是精進波羅蜜力。（印順法師，《大智度論筆記》〔C017〕p.214）

<sup>159</sup> 降魔：精進福德力。（印順法師，《大智度論筆記》〔C002〕p.183）

<sup>160</sup> 生+（生）【宋】【元】【明】。（大正 25，173d，n.6）

<sup>161</sup> 諸法無相為眾生方便說。（印順法師，《大智度論筆記》〔C030〕p.234）

<sup>162</sup> 〔薩〕—【宋】【元】【明】【宮】。（大正 25，173d，n.7）

<sup>163</sup> 佛滅度時以法身與彌勒迦葉阿難等。（印順法師，《大智度論筆記》〔C030〕p.234）

<sup>164</sup> 參見《持世經》卷 1（大正 14，644c28-645b19）。

<sup>165</sup> 阿難為比丘說七覺意讚精進。（印順法師，《大智度論筆記》〔I017〕p.432）

參見《雜阿含經》卷 27（727 經）（大正 2，195b29-196a12），《大智度論》卷 26（大正 25，249c29-250a1）。

<sup>166</sup> 參見鳩摩羅什譯，《持世經》卷 1（大正 14，644a1-7）。

<sup>167</sup> 稽（ㄐ一）留：1.延遲，停留。（《漢語大詞典》（八），p.121）

<sup>168</sup> 閣（ㄍㄛˊ）：2.棧道，複道。用木支架於空中而成的道路。（《漢語大詞典》（十二），p.112）

<sup>169</sup> 嶮（ㄒ一ㄤˇ）：1.險要，險阻，危險。（《漢語大詞典》（三），p.869）

<sup>170</sup> 懸=鉉【宋】【元】【明】【宮】，=鉉【石】。（大正 25，173d，n.11）

——此諸惡道，以一心不放逸故，身得安隱，今世大得名利。求道精進，亦復如是；若一心不放逸，所願皆得。

復次，譬如水流，能決大石；不放逸心，亦復如是。專修方便，常行不廢，能破煩惱諸結使山。

**（八）三種思惟而起精進**（印順法師，《大智度論筆記》〔A036〕p.69）

復次，菩薩有三種思惟：「若我不作，不得果報；若我不自作，不從他來；若我作者，終不失。」如是思惟，當必精進，為佛道故，懃修專精而不放逸。<sup>172</sup>

如一小阿蘭若，獨在林中坐禪而生懈怠。林中有神是佛弟子，入一死屍骨中，歌儻<sup>173</sup>而來，說此偈言（174a）：

「林中小比丘，何以生懈廢？晝來若不畏，夜復如是來！」

是比丘驚怖起坐，內自思惟，中夜復睡。是神復現十頭，口中出火，牙爪如劍，眼赤如炎，顧<sup>174</sup>語將從<sup>175</sup>：「捉此懈怠比丘！此處不應懈怠，何以故爾？」<sup>176</sup>

是比丘大怖，即起思惟，專精念法，得阿羅漢道。

是名自強精進不放逸力，能得道果。

**（九）寧自失身，不廢道業（於四威儀，常懃精進）**

復次，是精進不自惜身而惜果報，於身四儀：坐、臥、行、住<sup>177</sup>常懃精進，寧自失身，不廢道業。譬如失火，以瓶水投<sup>178</sup>之，唯存滅火而不惜瓶。如仙人師教弟子說偈言：「決定心悅豫，如獲大果報，如願事得時，乃知此最妙！」

如是種種因緣，觀精進之利，能令精進增益。

**（十）觀眾生苦甚，極力度脫**

復次，菩薩修諸苦行，若有人來求索頭、目、髓、腦，盡能與之，而自念言：「我有忍辱、精進、智慧、方便之力，受之尚苦，何況愚騃<sup>179</sup>三塗眾生？我當為此眾生故，懃修精進，早成佛道而度脫之。」

<sup>171</sup> 羊=崖【宋】【元】【明】【宮】【石】。（大正 25，173d，n.13）

<sup>172</sup> 三種思惟生精進┌ 我不作不得果  
└ 我不自作不從他來  
└ 我若作終不失

（印順法師，《大智度論筆記》〔A014〕p.28；〔A036〕p.69；〔I079〕p.482）

<sup>173</sup> 儻（ㄨˇ）：同“舞”。（《漢語大字典》（一），p.231）

<sup>174</sup> 顧（ㄍㄨˋ）：1.回首，回視。3.視，看。（《漢語大詞典》（十二），p.358）

<sup>175</sup> 將（ㄐ一ㄨㄥ）：9.帶領，攜帶。10.順從，隨從。（《漢語大詞典》（七），p.805）

<sup>176</sup> 林神呵懈怠比丘。（印順法師，《大智度論筆記》〔I017〕p.432）

<sup>177</sup> 住=立【宋】【元】【明】【宮】【石】。（大正 25，174d，n.2）

<sup>178</sup> 投=救【宋】【元】【明】【宮】。（大正 25，174d，n.3）

<sup>179</sup> 騃（ㄊㄞˋ）：愚，呆。（《漢語大詞典》（十二），p.847）